


લખાણ અને ચિત્રો: વિલેમ ડી વિંક

ઈશુ ખ્રિસ્ત



મોઠાં માંયે મોઠી ગોઠ

❖ કાય હેય....



હોરગા દુત : દેવા એક દેખીનાંય શોકાય ઓહડો, ગોઠ લેઈ જાનારો. (પાના ૫)


બરકત : બોદી હારી વસ્તુ જી દેવ આપહાલ દા માંગહૈ.

બાઈબલ : બાઈબલામાય તુમા વાચી શકતેહૈ કા દેવ ત્યા લોકહા એસે ધ્યાન દેહે ને ત્યાહા આરે કોહડો વેવાર કોઅહય. બની ગીઈ (પાના ૨૫, ૫૦)

પ્રભુભોજ : ઈશુવા ચેલા ઈશુવા મરણ ને પાછાં જીવતા ઉઠના માટે બાખે ને દ્રાક્ષ રહ લેયને યાદ કોઅતે હૈ. (પાના ૪૧)

કુરુશ : દુખ દેઅના એક વસ્તુ જયાવે ઈશુ પોતાની મરજીથી મઈ ગીયો. ઈશુવા ચેલહા માટે તી એક નિશાની બની ગીઈ (પાના ૨૫, ૫૦)

ઈશુ : ઈશુવા ચેલા (પાના ૧૮)




ઈસ્ટર : ઈશુવા પાછા જીવ ઉઠના તહેવારને માનનો યહુદી લોક યા દીહાલ કાપણી ના તહેવાર રીતે માનતે હૈ. (પાના ૩૮-૫૪)

કાયમી જીવન : ઈશુવા આરે જીવન જીવના એલા પરમેહરા વિચાર હેય, ને મૃત્ય વે વિજય મેળવીને જીવન જડહે. (પાન નં. ૨૩, ૨૯-૩૦ અને ૫૯)

વિશ્વાસ : પરમેહરા વે ભરહો કોઅના ને ત્યા વાયદા પે ભરહો કોઅનો (પાન ૫૮)

માફી દેઅના : દેવ માફ કોઅહય. આપહે માના કાદા બી માફી મેળવા યોગ્ય પાત્ર નાય આતાદેવ માફી દેહે જોવે તુમા તુમહે પાપહા માફી માંગતેહ જે પોતા બદલાણ કોઅતેહે. માફી મીળી શકહે કાહા કા ઈશુવા બલિદાનથી આપહાલ બરાબર કઅવામાં યેન હૈ. (પાન ૫૮)



દેવા રાજય : જેસ લોક દેવા આજા પાડતા હા તેસ તેવા રાજય હેય.

પવિત્ર આત્મા : દેવા આત્મા જો લોકહા માય રહેય જે ઈશુવા ચેલે હેતે (પાન ૫૮)

ઈશુ : પરમેહરા પોહા નાવ અથવા પરમેહર આપહે આરે.

ખ્રિસ્ત : અભિષ્કિત રાજા “ખ્રિસ્ત” (એક હિબ્રુ શબ્દો) ગ્રીક અનુવાદ માય હેય અથવા ખ્રિસ્ત (પાન ૫૨, ૫૫)

પ્રાર્થના : પરમેહરા આરે તુમહે ધીરજથી અને મોઢે અવાજે વાત કઅની (પાન ૧૮, ૧૯, ૪૨)

પાછા જીવી ઉઠના (પુનરુસ્થાન) : ઈશુ મઅલા માને પાછો ઉઠયો. એક દિહી બાદાહાલ મલલામાને જીવતા ઉઠાળવા મા ચેઅરી તોવે પરમેહર બાધા માઅહા ન્યાય (ઈસાબ) લેઅરી (કઓરી) (પાના ૫૩, ૫૭)

પાછા યેઅના : જોવે ઈશુ જુગાવે પાછો યી, હોરગ અને જુગ નવી ઓઈ જાઅરી. પરમેહરા મારફતે બાધાજ નવા ઓઈ જાઅરી (પાના ૫૭)

શૈતાન : જયાલ નાય દેખી શકાય ત્યા રૂપમાં હેય તો પરમેહર ને માઅહા વિરોધી હેય.

પાપ : પાપઈ ગોઠ હેય જી આપા પરમેહરા ઈચ્છા વિરુધ્ધ કોઅજેહે ને દેવા ઈરાદો આપહે માટે હેય ત્યાથી તો આપહાલ દુઉ રાખહે (પાના ૪)

પરમેહરા પોહો : ઈશુવા નાવ જો પરમેહરા પોહો ઓવા છતા માઅહા રૂપમાં ધરતી વે યેનો.



❖ ઈશુ ખ્રિસ્ત કુ હેય :

ઈશુ ૨૦૦૦ વરહે પેલા ઈસ્ત્રાએલમા રોયો આમા ત્યાલ ઈશુ ખ્રિસ્ત આખજે હે અથવા તો એક રાજા, પરમેહેરા પોહો આખાહાય. અથવા પરમેહેર ને “માઅહા પોહો” માઅહા થી યેનો બાઈબલ માય ઈશુવા જીવનના ઈતિહાસ દેખાડવામાં યેનહો. ઈ એક મોઠી ગોઠ હેય !

❖ ઈશુવા સમય :

આપ હે ઈતિહાસ ઈશુના જન્મથી ચાલુ ઓઅહે તોવે લોક પાગે ચાલેને ગોદળાવે, ઉટાવે ઘોડાવે મુસાફરી કોઅતે આતે. તવે રોમન સામ્રજયો તી યુરોપ , મધ્યપૂર્વ ને ઉત્તર આફ્રિકમાંય આતા, વદારી કોઈને લોકહાલ લખના, ને વાયના નાય ખબર આતી ઈસ્ત્રાએલમાં યહુદી લોકહાલ, પરમેહરા લોક આખવામાં યેતે આતે

પરમેહેર ચોપડી મારે ગોઠ આખહે તી બાઈબલ હેય. જી કાય બધા દેખહાય ત્યા તો બનાડનારો હેય ને ત્યાલ આપહે લોકહા આરે મિત્રતા કોઅની હેય તી ઈશુ આપહાલ ચોખા દેખાડ હૈ.



❖ ઈશુવા સમયે ઈસ્ત્રએલ :



રાજધાની : યરુશાલેમ

મોઠો વિસ્તાર : ગાલીલ, સમરુન યહૂદીયા

વિસ્તાર : લગભગ ૨૮૦૦૦ કિ.મી. (૧૦૮૧૦ માઈલ)

વાતાવરણ : ગરમ વાતાવરણ

રાજનૈતિક : ૬૩BC શુરુથી (ખ્રિસ્તા પયલા) ઈસ્ત્રાઈલ માં રોમન સરકારા રાજ હેય.


સરકાર : મુખ્ય પિલાત, રોમનનો રાજયાલ ઈસ્ત્રએલમાય રાજ કોઅય, તિબરિયસ, રોમન સરકાર.

ધર્મ : યહૂદી ધર્મ, યરુશાલેમ માય યહૂદિયહા મંદિર હેય. તા યહૂદી (પુજારી) બોદે જ ધાર્મિક કામ કોઅતેહે (ને) જેહકોઈ ફરીશી બાઈબલા મારે લોકહાલ હીકાડતાહા.


ભાષા : હિબ્રુ (યહૂદિયહા ભાષા) ગ્રીક (બાધા જ દેશહામાં બલાનારી ભાષા) લેટિન (રોમનભાષા)



યા બાદ લોક નયે કિનારે કાહા (કાય કરા) યોકઠા ઓઈયાહા ?




તુમા પોતાને તિયાર કોઅયા,
પરમેહરા રાજય જાગે જ હેય.




ચોક નવા જીવન ચાલુ કર્યા




પરમેહરા ન્યાય કોઅના કુલહાડો જાડહા થુડાવે હેય.



જો જાડ ફળ નાય દેય ત્યાલ કાપી ટાકવામાં યી.




આપહે બાદહાલ ઓઈ શકે કા વાળી ટાકવામાં યેઈ કુ હારા જીવન જીવા હાટી યોગ્ય હેય.



એકદમ હાચા ! કાદા બી પરમેહરા ન્યાય થી બચી (છુટ્ટી) નાય શકે બાકી મા પાહલા થોક યેહે જો તુમહે માય પરિવર્તન કરઈ શકહે.



જો હાયહુલ જ તુમહાલ તુમહે જીવન માય પરિવર્તન જોજતા ઓરી તે તુમા પોતાને પાપહાલ માનીલા ને યા પાઈયા માય બાપ્તિસ્મા લા,




આમી તુમા તુમહે પાપહા માટે ચોખ્ખે ઓઈ ગયહે એક નવા જીવન શરૂ(ચાલુ) કર્યા

બંદે લોક ત્યાલ નયેમાય બાપ્તિસ્મા દેનારો યોહાન આખતે આતે.

આય યોગ્ય નાય હેતાવ,
આઈ ત્યા હાટી વાટ
તિયાર કઈ રચહો જો
આમહાલ પરમેહેર કુ
હેય તી દેખાડી તો
તુમહાલ પરમેહેરા આત્મા
ને આગથી બાપ્તિસ્મા
દેઅરી. તો તુમ્હેમાય
બદલાણ લેય યેઅરી.



ને તોવે.



માન તો આથહાથી
બાપ્તિસ્મા લેઅની
જરૂર હેય.



આમા તીજ કોઅહુ
જી પરમેહેરા ઈચ્છા
હેય. તી આમી કોઓ.




પરમેહેર તો રાજય
યે ને તો ઈચ્છા
પુરી ઓએ.



તોવે હોરગા માને યોક આવાજ યેનો.

હા તુ મા
પોહો હેય આઈ
તુલ પ્રેમ કઅતા
હાવ ને તોવે ખુશ
હેતાવ.



આપણે તેને વખતની શરૂઆતથી યોહાન બાપ્તિસ્મા કઅનારો ઈસ્ત્રાએલી લોકાહા ખ્રિસ્તી એઅરી આખીને તો તિહાલ તિયાર કઅતો આતો તિયે વખતે ઈસ્ત્રાએલ રોમી સરકારા એક વાહનો ભાગ આતો.



ઈસ્ત્રાએલ કકરનહૂમ ગાલીલ કાન નાસરથ યરદન યરુશાલેમ યહુદીયા



ઈસ્ત્રાએલમાય યહુદી એકલાજ, સહાય વગર, દબાયેલે ને ખિજવાયેલી અવસ્થાનો અનુભવ કોઅતે આતે તથા લોક ખ્રિસ્ત કોવે યેઅરી ત્યા વાટ જોવતે આતે તો આમહાલ છોડાવી તોહડા પેલે થી જુના યહુદી લોકહા ચોપડા માય ભવિષ્યવાણી કઅલી આતી. ઓ ખ્રિસ્ત પરમેહેરા ન્યાયનો વિજય દેવાળી.

યરદન નઈયે પાહેય, યોહાન, બાપ્તિસ્મા દેનારો ઈશુવા એશે દેખ હે

દેખ ! ઈ પરમેહેરા મેન્ડા જ જગતા પાપ ઉચકીને લેય જા હેય.




ત્યા બાપ્તિસ્મા ઓઈયા પાસે પરમેહેરા આત્મા ઈશુવાલ ઉજાળ જાગામાય લેય ગયો.



તા ચાલીસ દીહી ને ચાલીસ રાત રયો જોવે તો તા આતો તોવે ત્યે કાય ભી ખાદા ને પીધા નાય. પોતાનો પૂરો ઈરાદો એઅરા હાટી તો ઉપાસ પ્રાર્થના કોઅહેય.



ઈશુ ઈચ્છા રાખહે કા પરમેહેરા ઈરાદો દુનિયા માય સફળ ઓએ લોકહાલ મરણના બંધન મારે છોડાવના, ઈ પરમેહેરા યોજના હેય.



હા આખા જી તુ આખહે તી આય કોઈહી

શૈતાનઓ અદશ્ય રૂપ માય અંધકાર માય રાજ કોઅહે ને દુનિયા બી નાશ ને મઅરા હાટી લેય જાહે.



પરંતુ શેતાન, તેના વિરોધી, ઈસુને વિચારો આપવાનો પ્રયાસ કરે છે તેને ભગવાનના મિશનથી દૂર લાવો.


જો તમે ઈશ્વરના દીકરા છો તો ચાલુ કરો આ પથ્થરો રોટલી માં!

ના! તે પુસ્તકમાં લખાયેલું છે: એક વ્યક્તિ ફક્ત રોટલી પર જ જીવી શકતો નથી પરંતુ ભગવાનના શબ્દોની જરૂર છે.

જો તમે ખરેખર ભગવાનના પુત્ર છો, તો તે સાબિત કરો! મંદિરની છત ઉપર જવું. શું એ લખ્યું નથી કે દૂતો તમને લઈ જશે?

જો તમે ખરેખર મને નમન કરો અને મારી પૂજા કરો, તો હું તમને પૃથ્વી પરની બધી શક્તિ આપીશા!

તોવે શેતાન ઈશુવા ચારે જાતો રહ્યો ને હરગા દુત ચે યને ત્યા (ઈશુવા) સેવા કઅરા લાગ્યા.



તે પણ લખાયેલું છે: ભગવાનને પરીક્ષણમાં મૂકશો નહીં.




ઈહીરે જાતો રવ શૌતાન, લખલા હેય કા ફક્ત એક જ પરમેહેર હેય ને ફક્ત ત્યાજ ભજન ને સેવા કઓ.




ઈશુ ગાલીલ માય પવિત્ર આત્માથી બઆય ગીયો ઈશુ ઉત્તર ઈસ્ત્રાએલ દેશના મોટા પ્રાતમાં આગલા વધતો ગયો. ખૂબ લોક શંકા કરા લાગીયા કા અજ ઈશુ હેય કા નાય જેહ કોઈને પ્રભોધ કાહા મારફરતે ખ્રિસ્તના વિશે લખલા હેય.





ગાલીલના કાનામય વરાળ હેય,




ઈશુ ભી ત્યા આયહે ને
ચેલહા આરે હેય.






ગાલીલના દરિયા પાંઈ કપરતૂહમ એક ગાંઉ આતા તિ માછલે દોનારાહાથી ભરપૂર આતા, ત્યાં ઈશુ વે પરમેહેરા રાજય વિશે લોકહાલ, હિખાડના ચાલુ કોઈયા,




ને ત્યાં ત્યે (ઈશુએ) પેયેલા ચૈલો પસંદ કોઓયાં




પિત્તર, ઉડા પાયાં માંચ જાયા ને તાં તુમહે જાળ ટાકા




ગુરુ, આમાહાય આખી રાત મેહનાત કોઈ બાકી, કાચંજ નાઈ દોવાયા.



તેરુબી તું આખતો હો એટલે,




ઈ કાય ! માન વિશ્વાસું જ નાઈ ઓવી રોઈ હો.






યાકુબ, યોહાન,
ઈહી યાંહ, આમી
બોરાબોર દોય હોં




પ્રભુ માન જા દે, આઈ
પાપી માહુંઉ હે તાંઉ


પિતાર, બીતો નાંઈ




ચાલા, માં પાહાલા યા આઈ તુમહાલ
માંઆહાય દોઓનારા બનાવહી.



માં પાહાલા
યા




ઈશુ ચૈલાહા આરે આખા
ગાલીલમાંય ગીયો, બોદહાલ
પરમેહેરા રાજયની ગોઠ આખી
વોનાડી, ને તીયે બોદી પકારને
રોગી લોકહાલ હારે કોયે, દુષ્ટ
આત્મા ભુતડેહેલ કાઢીયે ને
લોક ખુબ વિચાર માંય પોડીને
યરૂશાલેમને બીજો જાગ્યા રે
યેનલે આંતે, ત્યે (ઈશુવા) એક
એક શબ્દ વોનાતે આતે,



જો ગરીબ હૈય તો આશિર્વાદિત
હૈય કાહાકા હારેગા રાજય ત્યાં
હા હૈય,


જો ભૂખો હૈય, તો આશિર્વાદિત
હૈય કાહાકા તો ધારાવામાંય
એઈરી,




જો રોડ હૈ તી આશિર્વાદિત હૈય
કાહાકા તી પાછા ઓહરી




તુમા આશિર્વાદિત હૈ તે, જોવે
લોક મા હાટી તુમહે આરે વૈર
કોરી, તોવે આનંદિત ઓવીને
કુદા કાહા કા તુમહે હાટી
હોરગામાંય મોઠા ફળ હૈય,




જોહોડોં વેવાર તુમા બીજાહા આરે
કોહતે હે. તોહોડો વેવાર તુમા ત્યાંહા
આરે કોયા.




વૈરી હા વે પ્રેમ કોઆ ત્યાંહા
માટે પ્રાર્થના કોઈયા.



હારી ગોઠીહોં હુબીન કોઈયા કે
જેથી ત્યાં દેખાડો નાંઈ ઓવે




જી કાદા બીજી થેઈયેલ ખોટે
દોડે કાંય એઅ હે , તોવે તીયે
ત્યાં મનમાંય વ્યભિચાર કાંય લેદ હો.



દોડા શરિરા, દિવો હે, જો તો
દોડા હારા હેતા તો તોવે તોં
આખા શરિર પ્રકાશીત રોઅરી
બાકી તોં ડોળા ખરાબ હેતા તો
તું આંદારામાંય રોહૈય,




કાદો બી ગુલામ બેન ઘણીયા
ચાકરી નાંય કોઈ શકે, જે
હેંકાપરમેહેર ને પોયહા,



કાલની ચિંતા નાંય કોંતો, પેલ્લા
પરમેહેરા રાજયલ હોદ, તોવે
તુમહાલ બોદીજ વસ્તુ મીળી
જાઆરી,




જો તુમા માં વચન હાપે ચાલહા, તોવે તુમા
ત્યાં રોકા બોન હા જીયે પોતાના ઘોઉ દોગડા
હવે બનાવડીયા, જો નાંય તો ત્યાં રોકે હે તે
જીંહાય પોતાના ઘોઉ રેતાવે બનાડીહા,



એક દિહી ઈશુઆ ગોઆ હામે બાદા લોક ટોળો વોળી ગીયે,

આપા અંદર નાંઈ જાય સકજે.




તાં ઘાબા ઓરી,

તી ઉપે કાઈ ચાલી રોઈહા ?




તીહાલ યા દે, ત્યાં લોકહા. વિશ્વાસ મોઠો હેય,



તો પાપહા માફી મીળી ગોઈ હી,


કાય તું તી વોનાયો ? એલો ઈ બોદા કેલે કે કોઈ શક હે ?




એલો ગાંડો હેય,


એલા પરમેહેરુ જ પાપહા માઆરે કાદાલબી છોડાવી શક હે,

એક પાંગળા માઅહાલ હાથ એહેકોઈન આખના હેલ્લા હેયકાં, કાં તો પાપહા માફી મીળી. ગોઈ હી, કાંતે ઉઠ ઉબો ઓવી જો ?



પાપહાલ માફ કોઓના ઓધિકાર ખ્રિસ્તને દેવામાંય યેલો હેય, બાકિ આઈ આખતા હાંવ , તો ખાટલો ઉચાંક ને ચાલતો માંડ,






ચાલતો માંડીયો


એલો ચાલતો માંડીયો

એલા ઓવીજ નાઈ શકે, (મુશકેલ હેય)


બાકી તાં લોક ઈશુઆ કામે કાંઈ ખુશનાઈ આંતે ધર્મગુરુ પવિત્ર દિહી ઈશુ કાંય કોહાય તી એરા આંતે, ત્યા દિહામાં (પવિત્ર દીહા) માંય ઈસ્ત્રાએલી લોકહાલ કામ કોના મનાઈ આંતી,




એલા માંહા હાથ ઉખાઈ ગીય હો, કાય ત્યાંલ (પવિત્ર દિહી) તી દિહા માંય હારા કોઓના ઠી હેય ?



તો હાથ લાંબો કોઓ.




આહા...હા. આઈ હારો ઓવી ગીયો,




આપહાય ત્યાંલ હારો કોઓતો દેખીઓહ,

યરુશાલેમના મંત્રીયાહાલ હાયુલુજ આખા પોડી કા એલો રાજ્ય લોકહાલ ખોટી વાટ દેખાડી બોદહાલ ભારમાવી રોઈ હો.

ઈશુ ને ત્યાં ચેલે ગાલીલ સરોવરા માને જાત હા.






ઓ દેવ આમહાલ બોચાડ,
આંમા બુડી રોચહા.



તુમા કાંચ કોરા બીઈતહા ?
તુમહં ભોરહો કેસ ગીચો ?

શાંતચુપ
ઓવી જો,




ત્યાંહાય ત્યાં હા, ઊડી મેરે થોવી ને
બાંદી દેની બાકી ડોગહા વે,




રા.રા.રા...હ..

તાં શૈતાના બંદન માંય બાંદાલો ચોક
માઅહુ આતા, તો ડોગા વે રા આતો,




તો યેય રોઈ હો

તો શૈતાના




હારા...હારા..
ઈશુ કા,



ભૂતડાય એલાલ
છોડી દીયા,

ઓ મોઠા મા
મોઠા પરમેહેરા
પોહો તો મા
આરે કાય કામ ?



તો નાવ
કાય હેય ?








સેના, કાહાકા આમા
હામટેજ હેજે




યા ડુકરાહામાં
આમહાલ
દોવાડી દે.


જાયા !








આઈ તુમ્હાલ આખતાહાવું
પોહો પોતે કાંઈ જ નાઈ કઈ
શકે તો ફકત તીજ કઅહોય
જી આબો ત્યાલ આખહે મા
આબા ઈચ્છથી તો તીજ
કોઅહય જી આબો ત્યાલ




ઈશુ કાયમ શાંત જાગાવે પ્રાર્થના
હાટી જાયા કરા આતો.




રાત્રીની પ્રાર્થના પાસે
ઈશુ વે ત્યા ૧૨ ચેલાહાલ
અલગ કઈયા (જુદા) કોયા,
ત્યાંહાલ ત્યાં બેબુન બેબુન
કોઈને બાઆ દોવડી દેના ને
ત્યાંહાલ ભૂતહા વે ને બોદા
રોગા હાવે અધિકાર દેનો



ત્યાં બેન્ન બાહા હેતા
પિતાર ને આંદ્રિયા,




યા યાકુબ અને યોહાન




ફિલીપ ને બાર્થોલોમી,


થોમા ને માથ્થી (યા
પયલા રોમી અધિકામાય,
વેરો જમા કઅનારા આતા)




થદી ને બીજો યાકુબ



સિમોન ને યહુદા ઈશ્કોરિત




જાયા, જી કાદા તુમ્હે સ્વીકાર કઈ
ત્યા માલ ભી કોઅરી ને જી કાદા
મા સ્વીકાર કઅરી તી જે માન
દોવાડીયોહો ત્યા સ્વીકાર કોઅરી



યા બાર ચેલા ત્યાહાલ દેવામાં
ચેનલે કામે પૂરે કોઈને ઓહતે
ઓહતે પાછે ચેને પાસે ઈશુ
ત્યાહા આરે યક શાંત જગાવે
જા કોશિષ કઈ રવલો આતો
બાકી માઅહોય ત્યાલ છોડા
હાટી તિયાર નાય આતે.

કાપણી હામટીજ હેય બાકી કામારે
ઓછે હેતે પરમેહેરાલ પ્રાર્થના કોઆ કા
તો કાપણી વાડા હાટી કામરહાલ દોવાળી દેય.




ઈશુ બોલી રવલો આતો ને લોકહાલ હારો (હાજો) કઈ રવલો આતો તા મોડા ઓઈ ગયા.

ફિલીપે આખ્યાં યા બધા લોકહા હાટી
આમા ખાઅના કેહ કોઈને લેયજે ?
તુમા જ ત્યાંહાલ કાંય કાહાનાય દેત ?



ચાંદીના ૨૦૦ રૂપિયા બી
બાખે લા હાટી પૂરતા નાંય
ઓવરી


ચીહી એક પોહા હેય. ત્યાં પાંચ પાંચ
બાખે ને બેન માછલી હેતીઓ.




લોકહાલ ચીહી ૫૦ હાની
ગણતરી માંય બોહતાડી દિયા,




ઈશુ પરમેહેરા આભાર માન હું,



તો બાખે ને
માછલી તોડ હે,




જોવે ઈશુ ખામનાલ
વધારે કોઓરાં આતો,
તો વે તાં હજારો લોક
ખામના ખાતા આતા.




તો ખ્રિસ્ત હૈય,
જો યેનારો આતો.
આમહાલ રાજા
મીળી ગોઈ હો.



એરે...! એઆ !
તાં બાર ટોપલીઓ
આખી બાઆયને
વોદી ગીયહો.








આમી લોકહાલ ગોઓ જાનો વખત ઓવી ગોય
હો, તુમા હડી લેયને બીજો પાંહાય જાતા રોયા,
આંઈ ડોગા વે પ્રાર્થના હાટી રોકાત હાવ.





તાં કાંચ લોક ઈશુએલ રાજા આખતે આતે ત્યાહાલ ઓહડી આશા આંતીકા ઈશુઆ અધિકારથી યા રોમી અધિકારી નાહાય છૂટરી, ઈશુવા વિરૂદ્ધીયા બી બોહી રોયલા આતાં ત્યાં કાયમ નિંદા (ઈશુઆ) નિંદા કોયા કોરા આંતા, ઈશુઆ વિશે લોકહાલ ખોટી રીતે વાત કોઓની ને ત્યાં ઓહડી ઈચ્છા રાખતા આતા કા લોક ઈશુવાથી જુદે ઓવી જાય.



ઈશુવા વિરોધ વોદતો જ ગીયો,
આમી ઈશુ ગાલીલ વિસ્તાર
છોડીને ઈસ્ત્રાએલના બીજા
વિસ્તારમાંય ત્યાં કામ બાહા
ને બોઈય હૈ આગેવ અંતે
ત્યાં હા શરૂઆત કોઈ,

ગાલીલ

યરુશાલેમ

ઈસ્ત્રાએલના


પાસે તો યરુશાલેમ
માંય રોયો,




સેવકાઈ કોતા સમયે વે

માં બારા માંય કાય વિચારતા
હા, કાં આઈ કુ હેતાવ ?


ત્યાં હા વિચારતાહાકા
તું પ્રબોધક હેતો.




ને તુમા ?




તુમા કાય વિચાર તાહા
કાં આય કું હૈ તાવ,




તું બોયાનારો હે તો ને
જીવતા પરમેહેરા પોહો




કાદાલ મા આંબહા, કા ખ્રિસ્તને યરુશાલેમ માંય
ના પસંદ કોઆમાંય ઈ ને મરણનો દંડ મીળળી
બાકી તીજે દિહી તો માહાળા મારે પાસે જી ઊઠી.




યરુસાલેમની બાઆ કાયમ લોકહાલ રોમની રીતે સજા મિળતી આતી.




જી કાદા મા પાસાળી યા માંગ હૈ તો તી પોતાના કુરુશ ઉચકીને મા પાસાળી યેય.



જી કાદા ત્યા જીવ બચાવા માગહે તો તી ગુમાવી ને જી કાદા મા લીદે જીવ દેઅરી તો ત્યાલ બચાવી.




તુમા ઈ જાઈ લિંયા કા ફકત એક જ પરમેહેર હેય



જરૂરી ઈ હેય કા તુમા પરમેહેરાલ પૂરા મનથી પ્રેમ કઆ. ને જેહકોઈન પોતાવે પ્રેમ કઓહે તેહ કો બીજહયે ભી તોહડાજ પ્રેમ કોઆ.




ત્યે વખતે ઈસ્ટ્રએલમાય કોઢનો રોગ, લાગલા, લોક
રોતે આતે તો ચામડીએ ભયાનક રોગ આતો. ઓહળા
લોક ગાવા બાઆ રા આતા ને ત્યાહાલ હારા લોકહા
આરે મિળા નાય દેવા
ચેતા આતો...




કોઢ લાગલે માઅહે જોવે
બી બાઆ જાતે આતે તોવે
બુમપાડીને બીજા લોકહાલ
ચેતવી દેતે આતે કા ત્યે ચે રચહે.

કોઢી ! કોઢી




ઈશુ પ્રભુ આમહે
પે દયા કરઓ,






જાયા આમી તુમા પોતાને
ગુરુવાહાલ દેખાડા.




દેખાડા હાટી ધર્મ ગુરુ
પા જાયનાં ?


કાય આમા તોવે
હારે ઓઈ જાહુ ?



? !




એઈયા આઈ હારો
ઓઈ ગયહો.




આમા હારે
ઓઈ ગયહે


હા



હાલેલુયા
પરમેહેર
ભોલો હેય
આભાર



જયે હારે અઈયે કાઈ ત્યે દસ (૧૦)
નાય આતે ? બાકી બીજે કેસ ગયે ?
કાય ત્યે પરમેહેરાલ આભાર માના
નાય યેને ?



ઉબો રવ! તો વિશ્વાસે તુલ
હારો કઅવા માય યેનહો ને
તો ઉધાર અઈ ગયહો

યરુશાલેમ માય
 યહુદી મુખ્ય ઈસુવા
 પાસાળી જાસુસી કઅરા
 બેદીહાલ દોવાળીયા. કોઅતા
 આતા ઈશુવા કામ વિશે ત્યા
 ઈશુવા વિરોધી આતા.


ત્યા ખોટા લોકહા આરે રા આતા
 જેહે કા વેશ્યા, વેરો લેનારા, રોમી
 અધિકારી....

ખ્રિસ્ત ટાકાયેલ હાલ
 હોદા ને ત્યાહાલ
 બચાવા યેનહો.




કાહા કા ઈશુ સાબાથ દિહે
 લોકહાલ હારો કરા આતો.

હારો ઓઓ



ને ત્યા પોહહાવે વધારે
 નજાર રાખા આતો.


પોહહાલ મા પા યાદા,
 પરમેહેરા રાજ્ય ત્યાહા
 રોકજ હેય.




ઈશુવાલ બેથેનિયામા હાલવામાં
 યેનો એક ગાવ જી યરુસાલેમ
 યાહે હેય લાજરસ નામનો એક
 માટળો બિમાર આતો લાજરસને
 ત્યા બઅહાંય માર્થા ને મરિયમ
 ઈશુવા દોસ્ત આતે જોવે ઈશુ
 તા યેનો તોવે તો વનહાય કા
 લાજરસને માહણા માય રાખીને
 ચાર (૪) દિહી ઓઈ ગયહા



પ્રભુ જો તું ઈહી રોતો, તો
 મા બાહા લાજરસ નાય મઅતો.



માર્થા, તો બાહા
 પાછો જીવી ઉઠરી,



હા ! માન ખબર હેય કા તો
 છેલ્લા ઉઠાળવાના દિહે પાછો
 ઉઠી જાઅરી.




પાછો ઉઠાળનારો ને જીવન
 આઈ જ હેતાવ. જી કાદા
 મા વે વિશ્વાસ કોઅહે તી
 જીવરી કાય તુ માયે વિશ્વાસ
 કોઅતી હી માર્થા ?








હા ગુરુ, આઈ વિશ્વાસ
 કોઅતીહાવ કા જો ઉદ્ધાર
 દેહે તો જુગામાય યેનારા
 હેય. તો તુ હેય પરમેહેરા પોહો




તુયે ત્યાલ કેસે રાખયો હો ?



પ્રભુ, યે ને દેખ



યરુસાલેમના આગલા પડતા કામ કોઅનારા
આમી ઈસુવા વે ને ત્યા ચેલાહા ઉપે નજર
રાખતા આતા.




તી માઉહું હામટી જ
નિશાનીઓ દેખાડ હે,

જો આપહાય એહેજ
છોડી દેનાતો રોમી
ચેઈને કાંઈક કોઓરી.


ત્યા આપહે રાજયને
મંદિરાલ તોડી પાડી



તુમા વાહુયક વિચારા તે પુરા
રાજયનો નાશ ઓવે ત્યા
કોઅતા એક માઉહું
મોઅય તે હારા !





ત્યા હાટી ઈસુવા
મોઅના આમી
જરૂરી હેય





તોવે થી યહૂદી મુખ્ય ઈસુઆલ
દોઓરા લાગ હોદિયા કોઓત
કા જેથી ઈસુઆલ રોમી લોકહાલ
હોપી દેઓના હાટી પ્રયત્ન કોઅતા
આતા ત્યા લોક માઈ ટાકની સજા
દેનારા અધિકારી આખાતા એતા


ઈસુ બેથેનિયામાય આતો




મરિયમ



એલા બોજ (ખૂબજ) મઓંગા અત્તર હેય





હારા ઓવતા કા એલાલ વેચીને પોયહા ગરીબાહાલ માંય વાટી દેતે.








ત્યેલ એકલી રોવા દીયા યહુદા તી મા શરીરાલ ડાટા હાટી તીયારી કોઓય રોયહી.


કાપણી તેહેવાર પાહી યી રવલો આતો લોકલા
ટોળા યરુશાલેમ એસે જાય રોવલે આતે.



યરુશાલેમ માય અધિકારી લોક ઈસુવાલ
દોઅરા ગોઠવણ બનાવી રોયલા આતા.
ઈસુ ત્યાજ નગર એસે જાય રવલો આતો.



મુખ્ય નગરા વચ્ચે માય આરાધના
(ભકિત) કોઅના મંદિર આતા.




કાપણી તૈવાર
માય મેન્ડાહાલ
માઅવામાં યેતે આતે.




મેન્ડહાલ મંદિરમાય પરમેહેરાલ
ભેટ યોડાવતેને પરમેહેરાને માઅહા
વચ્ચે મુલાકાત કોઅવાડતે આતે.




બાકી કોહડા પ્રકારના મેંડા
ભેટ ચઢાવવાથી લોકહાલ
પાપહા માફી મીળી શકે?







મંદિરા આગલા બાદે લોક તા બજાર બનાડીને
પોયહા લેઅના દેઅના કોઅતે આતે.





ઈસુ બી તાજ આતો







પરમેહેરા ધોઓ તો પ્રાર્થના
ધોઓ હેય બાકી તુમ્હાલ
ત્યાહાલ ચોરટાહા ધોઓ
બનાડી દેન હો.



એલો આપહે હાટી
ઓગરો સાબીત ઓવી
શકહે, બાદે લોક ત્યા
જ ગોઠ વોનાત હે.



એલા પાસે આમહાલ
બચાવ જોજ હે




જો આપા એલાલુજ હોદતા રોહુ તોવે તિયાલ આપ દોઈ પાડહુને ત્યાલ માંય ટાકહું

બાકી તૈવારા સમય માંય નાઈ, કા પાસે ઓહોડા નાઈ ઓવી જાય કા લોકહા માંય ભાનગઠ ઓવી જાય.



ત્યા હાટી તુમા માન કોલા પોયહા દાહા ?


એલો યહુદા હેય, ત્યાહા માનો એક ચેલો.




ઈસુવાલ દોઓરા બદલામાં આમા તુલ ૩૦ ચાંદીએ પોયહા દાહું ચોક ગુલામની કિંમત આતી.



આંય ઈસુવાલ દોઈન તુમહાલ દે દીહી




કાપણીના
તૈવાર પોઈલા
તો મંદિરા માય
સંદેશો દેતો આતો.
મંત્રી યાજક ત્યા
હાટી મુશકેલી ઉભી
કોઈ રોવલા આતા.




તી વખાતેહે સમય ઈસુને ત્યા ૧૨ ચેલા
કાપણીના છેલ્લા ખાઅના ખા હાટી બેગા
ઓઅલા આતા.




આજે આંધારી રાતી એલા
આપા કો ઓ હું







મા દુખ ભોગવા પેલા ઈ
ખાઅના તુમ્હે આરે ખાવ યાજ
આઈ વાટ જોવી રવલો આતો




અધિકારી લોક બીજા પારે સેવા
કઈ લા આતા બાકી આઈ
તુમ્હે આરે અહળા નાય કોઉ.



ઓ અધિકારી તુમે
સેવક બની




આઈ તુમ્હે સેવક જે
ઓહળો હે તાવ






પ્રભુ, કાય તુ દાસ બનીને મા પાગ દોવહે ? નાય ! કોવે જ નાય !

પિતર, જો આઈ તુમ્હે પાગ નાય દોવુ તો મા આરે તુમ્હે કાય લાગભાગ નાય હેય,




પ્રભુ, તો પાસે મા ટોલપા ને હાથ બી દોવી કાળ

જો કાદા આંગળી ચુકીયા હા તો ત્યાલ ફક્ત પાગ દોવના જરૂરી હેય




તુમા માલ પ્રભુને ગુરુ આખીને હાતતાહા. તી બરાબર હેય જેહકોઈને માયે તુમે પાગ દોવિયાહ ! ત્યા હાટી જરૂરી હેય કા તુમા બી યે પ્રકારે એક બીજહા સેવા કોઈયા.



તુમ્હે મારે કોઈ એક મા વિશ્વાસઘાત કઅરી.


કાય તો આઈ તો નાય હેય ?

કોવેજ નાય



યહુદા, તુ જી કોઅરા માંગતો હો ત્યાલ માહરી કોઓ.






માન યાદ કોઅરા હાટી
ઈ કોઈયા કોઅજા.




ઈ બાખે લીયા
જી મા દેહ હેય.




ઓ પિયાલો લા, જી મા લોય હેય.
જી તુમ્હે હાટી વવાળવામાં યેહે
યે રીતે પરમેહેરે તુમ્હે આરે
નવો કરાર બાંધી રયહો



એક નવી આજ્ઞા આઈ તુમ્હાલ
દેતહાવ તુમા એક બીજા વે એહ
કુનેજ પ્રેમ કોઈયા જેહકોઈને
માયે તુમ્હે વે કોઈયો.



જો તુમ્હ મા પ્રેમ હેય તો
બાદહાલ ખબર પડી કા
તુમ મા ચેલા હેય



પ્રભુ આઈ તો આરી કાયમ
રહી તો હાટી આઈમા
જીવ બી દે દીહી

પિતર તે વખતે કુકળો
બોલી ને તુ ત્રીન (૩)
દાઆ મા નકાર કોઅહે.

ત્યે વખાતે ઈશુને ત્યા ચેલા ઈ નગર છેડી દેતહા
યહુદા ત્યાહા આરે નાય આતો

આઈ તુમ્હાલ છોડી રયહો, બાકી આબો
તુમ્હાલ પવિત્ર આત્મા દેઅરી તો તુમ્હાલ
મદદ કઅરી ને કાયમ તુમ્હે આરી રઅરી

જેશ આઈ જાતહાવ તી જગા
તુમ્હાલ ખબર હેય.


માર્ગ, સત્યને જીવન આંઈ હેય
માન છોડીને કાદો ભી આબા
પાય નાય જાય શકે.

તુમા એપેજ રોયા.
આપ પ્રાર્થના કોઅરા હાટી
આગાળી જાય રયહો.


આબા, જો બની શકે તો ઈ દુઃખ
મા પાહને દુઉ લેય જો

તેરું બી મા મરજી નાય બાકી
તો મરજી પૂરી ઓએ.


ઈ ગડીયે તુમા કેહકોઈન હુવી શકતા હા ? જાગતે રયા જો મા એક વિશ્વાસ ઘાત કોઅરી તો ઈહી હેય.



જયાલ આઈ ચૂમી કોઅહી ત્યાલ દોઈ લેજા.




ગુરુ !




યહુદા, કાય તુ હાયુલહુજ મા વિશ્વાસઘાત કોઅહેય ?

ગુરુ આમા યા આરે જુલાજહે



નાય !



ઈશુવે ત્યાહાલ પોતાને દોઅરા દેનો, ત્યા બદા જ ચેલા તાહરે નાહી છુટય



ઈશુવા મુખ્ય યાજકા ગોઓ લેય ગોયે.
યહુદિયાહા મોઠામાં મોઠો મુખ્ય પિતરને
યોહાન વાય જ દુઉને પાછાળી યા આતા.



પિતર બાઆપુર એહે જાહે.




કાય તુ ત્યા આરે
નાય આતો ?



નાય, નાય,
આય ત્યાલ
નાય ઓળખુ

કાય તુ ત્યા માનો
એક નાય હેય ?






બિલકુલ નાય.

ખરેખર અબી ત્યા આરે આય નાય જાઉ તુ
આતો. ઓ એક કાય આખતો હો.
ગાલિલી હેય.





કૂકળુ કૂક
- કૂકળુ
કૂક




ચાલ આમી ભવિષ્યવાણી
કોઓ તુલ કોયે ઠોકયો ?



હાકાળહે ઈશુવાલ યહુદિયાહ મોઠી
સભામાય લેય જાવામાં યેનો.

કાય તુ પરમેહેરા
પોહો હેય ?

જેહકોયને તુ
આખતોહો તેહે જ હેય




ઓ મઅરા લાયક હેય,
રોમીહાલ ઈ કોઅરા દા.

ઈશુવાલ રોમી પિલાતા આગાળી લેય યેવામાં યેનો ઈ બધી બાબત માય ત્યા બધી રીતે ત્યાવે (ઈશુવાવે) નજર રાખા ને ગુનો લાગાળા લાગ્યા.




જો તોવે ગુનો લગાડવામાં યેનહો ત્યા વિશે તુ કાય આખા માંગતો હો? કાંઈ બી નાય?



તુયે કાઈ કોઈયાહા ?


આઈ હાયી સાક્ષી દા યેનહો.



હાયા કાઈ હેય ?

માલ યા માઅહામાય કાય ગુનો નાય જોડે. આમી પાસ્ખા પર્વ યેયરવલા હેય આઈ કાલ છોડી દાવ બારાબાસને કા યહુદીહા રાજાલ ?





બારાબાસ

બારાબાસ



બાકી યા ઈશુવા આઈ કાંઈ કોઈ તુમ્હાલ કાઈ લાગહે ?

ત્યા કુરુસ વે ચડાવી દીયા


ત્યાલ લાગહે કા તો રાજા હેય.

જો તુ ત્યાલ છોડી દેહા તો તુ કેસોરા મિત્ર (દોસ્ત) નાઈ રહે.




ત્યાં બદલે આઈ તુલ છોડી દેતહાવ.


બારાબાસને છોડી દેવામાં યેનો તો રાજયોમાય ખૂન વિશે દોષી માલુમ પડલો આતો.



...૩૭, ૩૮, ૩૯



ત્યા લોયા વિશે આઈ નિર્દોષ હેવ.



ઓ યહુદીઓનો રાજા !



યા માઅહાલ એઆ


ત્યાલ કુરુસ પે ચડાવ,

ત્યાલ કુરુસ પે ચડાવ,


ત્યાલ કુરુસ પે ચડાવ





પિલાતે ત્યાલ માની લેદો
કુરુસ પે ચઢાવના એક બીયા
યેય ઓહળા મરણ આતા
ઈશુ ત્યા કુરુસના થામલાહાલ
બોજ કષ્ટથી રોડા
વે લઈ જા આતો.




મરણ દંડ દેઅના કામ શહેરા
બાઆ કોઅવામાં યેતા આતા
ત્યાલ ગલગથા યા “ખપડી”
જાગા આખતેહે



ઈશુવા સિપાડહાય કુરુશપે
ચોડાવી દેનો.




ત્યે સમયે યહુદાલ પોતાની ભૂલ ખબર પડી.






માયે બુલ કઈચીહી


માયે યા નિર્દશ લોયા વિશ્વાસઘાત કોઈયહો.



આમહે આરે તો કાય કામ હેય ? ઈ તો સમસ્યા હેય.



ઈશુવાલ બેન ગુનેગારીહા વચ્ચે કુરુશવે ટાંઅંગી દેનો.





આબા યાહાલ માફ કોઓ યે નાય જાએત કા યે કાંઈ કઈ રયહે.

કુરુશ વે એક દોષ
પત્ર લખલો આતો
ત્યા અર્થ હેય “ઈશુ
યહુદિયાહા રાજા હેય”.

ઈશુ વે માણો દાક્ષા રહો
પીયા ના પાડી દેની.

સિપાડે ત્યા ડોગલાહા આરે
રોવી રવલા આતા.



હા કાઈ ત્યે
બીજહાલ
નાય બચાવ્યા?


જો તું પરમેહેરા પોહો
હેય તો તુ યા કુરુષ વેરે
પોતાલ છોડાવી લે.

પોતાલ બચાવ
ને આમ્હાલ
બી બચાવ.

પરમેહેરા માન રાખ
આપહાલ આપે ગુન્હા
સજા મીળહી બાકી યે
માઅહે તે કાંઈ બી નાઈ
કોઈયાહા.

જોવે તુ તો હરગા
રાજમાં યેય, તો માન
યાદ કઅજે.

આઈ તુલ હાયુ લહુ જ
આખતાહાવ, આજથી જ
તુમા આરે હરગામા રહે.



લગભગ બીજા પહોરથી
ત્રીજા પહોર હુદી આબા
દેશમાય અંધાકાર બની રોયો.

મરિયમ ઈશુવા આયહો ને યોહાન,
ત્યા ચેલા કુરુસ પાઈ ઉભે આતે.

આમી ઈ તો આયહો
ને ઓ તો પોહો.



આય પીહો
હેતાવ.


આબા, આઈ મા આત્મા
તો આથામાં હોયતાહાવ

મા પરમેહેર, મા પરમેહેર
તુયે માલ કાહા છોડી દેનો ?




પૂરા ઓઈયા

ઈશુવા મરણ બપોરહે ૩ વાગે ઓઅતા
હે એક સિપાડે ઈશુવાલ ભાલેથી
ઠોક્યા તોવે તરત જ લાંહી ને પાઈ નીગ્યાં.



ચોપડામાં એહકોઈન લખીયાહા
કા મેન્ડાની રીતે ત્યા કતલ
ખાને લઈ જવામાં યેઅરી.



આપહે બધા પાપહા હાટી
ત્યાલ માઈ ટાકવામાં યેઅરી
આમી તો મોઈ ચૂકીયોહો.



કાય તો ઓજ ખ્રિસ્ત આતો
જો યેનારો આતો ?
કા નાય ?



કાય આમા યા દેહને
દાટી શકજે, ચાલા
ત્યાહાલ પૂછતે .




યુસુફ ઓ અરિમતિયા ને નિકીદિમોસ
ઈશુવા મઅલા શરીરાલ લઈ જાતહા.
ત્યા મઅલા શરીરાલ ઉજળા ડોગલા
મા વેટળીને ત્યા વે અતર લગાવીને
કબર માય રાખી અંદર જાયના બાઅવા
પે મોઠો દગળો ગબળાવીને થવતાહા.



ઈ બાદી ગોઠી હે ઓઈયા
પાસે પાસ્ખાના તહેવારના
વખતે, કાંઈક બાંયો ત્યા
બંધ કબર પાઈ યેન્યો.




તો દગડો તો
ગબડાવી દેવામાં
યેનહો



તુમા ત્યા જીવતાહાલ મઅલાહ
મા કાહા હોદતાહા ?તો જીવતો
ઓઈ ગયોહો જાય ને ત્યા
ચેલહાલ આખા.



જોવે ત્યા ઈ ગાંઠ વનાતાહા,
પિતર ને યોહાન માહણા
એસે ચાલીને જાતહા.




કાંઈ ઓઈયા ?




તી પૂરી ખાલી હેય.



બાઆ કબર પાઈના બાગમા





ઓ સ્ત્રી તુ કાહા રોડતી હી ? ને તુ કાલ હદતી હી ?




ઓ મહારાજ કાય તુયે ત્યાલ ઉઠાળી લેદહો કા ?




મરિયમ



ગુરું



મા પાય ઉભ્યો મા રત્યો જાઈને મા બાહહાલ આખા કા આઈ આમી મા ને તુમે આબહા પાઈ જાઈ રવલો હેય જો માને તુમે પરમેહેર.




ત્યેજ દિહી ઈસુવા બેન ચેલા પોતહે
હારા રસ્તા ઉપે ચાલનાર લોક હમજીને
ઈસુવા બારામાં ગેઠ કોઅતા આતા

કાય તુમ્હાલ એલા પ્રભોધકહા ઉપે
વિશ્વાસ નાથ હેય ? ત્યા મહિમા મા જા
હાંટી ખ્રિસ્તાલ દુઃખહા માને જા પડી ?
ઈ બધા ચોપડાહા મા લખલા હેય.



પેન તો ઈસુ જ આતો

ખાયના
ખાયને
અચાનક કુ
ચેય ગયા.



બીજા ચેલા ઈસુવાલ હોદા નિગી જાતહા


આમહાય પ્રભુવાલ
દેખ્યો

મરિયમને પિતરે
ભી દેખ્યો




અચાનક (તરતજ)

તુમ્હાલ
શાંતિ
ઓએ







કાય તુમ્હાલ વિશ્વાસ
નાય હેય કા આઈ જ
હેતાવ ? મા આથા મા
ને પાગહામા એઆ.




મા પ્રભુ ।
મા
પરમેહેર


ઈસુ ત્યાલ માન નારહાલ
૪૦ (ચોળીસ) દિહી હુદી
દેખાયો. યક દિહી ઈસુવા
થોડા ચેલા ગાલીલના
તળાવ મા માછલે દોઅતા
આતા.



પિતર, કાય તુ
હાયુલુજ તુ માલ પ્રેમ
કોઅતોહો કા ?



ઈસુ ઓ પ્રશ્નો પિતરાલે ૩
(ત્રીન) વાર હોદ હૈ



હા પ્રભુ તુલ માલુમ જ
હેય આઈ તુલ પ્રેમ કઉહુ




મા મેન્ડહાલ ચાઆ.



મા પાહલા
યા

હરગા માને ઘરતી ઉપે બાદો અધિકાર
માલ દેવામાં યેનહો (દૂનિયા) જગાતામાં
જાને બાધા દેશહામા મા ચેલા (લોક)
બનાડા ત્યાહાલ આબહા, પોહા ને
પવિત્ર આત્મા નાવા માં બાપ્તિસ્મા
દાને તુમ / જાઈને હિકાળા

(ઈ) ચાલ દીયાન રાખા, આઈ તુમે
આરી કાયમ રવહી, યકા યોક દીહી ને યા
જગા અંત ઓઈ તા હુદી આરે રોહી.



યો ગોઠયો આખીને ઈસુ ઘરતી
છોડી દેતો હેય. ને હરગામા
ઉસલી લેવામાં યેહે છતહા
ત્યા. લોકહા ન્યાય કરા
પાછો ફિરીને યેનારો હેય.

ત્યા ચેલા યરુશાલેમ મા પ્રાર્થના કોઅતાહા પવિત્ર આત્મા ત્યાહાલ પરમેહેરા આત્મા કોઈને બઅતા હેય. જી. આત્મા ઈસુવા આરે આતા તીજ આત્મા ત્યાહા આરી હેય. ઈસુવા હાટી નવા લોક તિયાર કોરા હાટી તી મદદ કોઅતા હેય.

મરણ ઈસુવાલ જીતી નાય શક્યા પરમેહેરે ત્યાલ ફીરી જીવતો કોઈયોહો ને ત્યાલ પ્રભુ બનાડયો તોજ ખ્રિસ્ત




ઈસુવા પાસલા ચાલનારહાલ ખૂબ જ વિરોધ વેઠા પડ્યો.

ઈસુ એલો પરમેહેરા પહો હેય.




ઈ સંદેશહા કઈને બાઆ ચેના



કોઈ જીવા પડી. મઈ ગયો તોવે ત્યે આપે બાદહા પાપ ત્યા શરીર (આંગાવે) લેદા ત્યા હાટી આપા આપે પાપહા હાટી મઈ ચુકલે હેજે ને આમી આપહાલ પરમેહેરા ઈચ્છા જોવે તો કુરુસા ઉપે

આમી ઈસુવાલ માનનારે આખી ઘરતી વે ચોક ઓઈને પ્રાર્થના કોઅતેહે ને બાઈબલ વાયતે હે, ત્યે ઈશુવા મરણને ધ્યાન કોરા બાખે ને દાખરસ લઈને ત્યાલ દીયાન કોઅતે હે. પરમેહેરે જો પ્રેમ હેય ત્યાલ એહકોઈને જ ચોક બીજાલ વાટા જો ત્યા હૃદયમાં હેય.

ઈસુવે પરમેહેરા જી
ઈચ્છા માઅહા હાટી
આતી તી પૂરી કોઈયી.



ઈસુ આપહાલ પ્રેમ
કોઅતો હેય ત્યાલ આભાર
માના ને ત્યાજ આરધના કઆ.



કાહા કા પરમેહેરે જગાલ
ઓહડો પ્રેમ કોઈયોહ કા તિયે
ત્યા યોકનો યક પોહો દી દેનો
જેથી જી કોઈ ત્યા ઉપે
વિશ્વાસ થવીતી નાશ નાઈ
ઓઈ, પન કાયમી જીવન પામી

❖ બાઈબલ

ઈસુવા ગોઠ બાઈબલામાં લીખલી હેય બાઈબલા કોઅતી કોઅહી બી ચોપડી વધારે વાર વાયવામાં યેન હી બાઈબલ બાદા ચોપડાહા માને બનાડલો હેય ઈ ચોપડા લીખા હાટી ૧૫૦૦ પંદર સૌ વરહે લાગલે. ૧૯૦૦ વરહાવો બાઈબલ પૂરો ઓઈયો. યામા બાદી જ જાતીયા ગોઠીયા લખલ્યા હેતા કા પરમેહેર માઅહા જીવન માં કોઈહી રીતી કોઈને કામ કોઅહે પરમેહેર કુ હેય ઈ આપહાલ ઈસુવા ગોઠીહેવરે ખબર (હમજ) પડતા હેય.

❖ ઈસુવા ઈતિહાસ

બાઈબલામાં ચાર (૪) પુસ્તકહામાં ઈસુવા વિશે લખવામાં યેનલા હેય. ઈસુવા સમયમાં જયા લીખનારહ આતા ત્યાહા નાવે ત્યાહાય દેવામાં યેન હે


(૧) માથ્થી : ઈસુવા ચેલો જો વેરો લેયના કામ કઅતો આતો ત્યા દ્વારા લખવામાં યેનહા કા કેહકોઈને ઈસુવે ઈસ્ત્રાએલી લોકહા આરે વર્તન કોઅયા.

(૨) માર્ક : ઈસુવા કોઅલા ચમત્કારહા બારા માં તીયે લખલા હેય કાહા કા ઈસુવે જોવે યે કામે કોઈયે તોવે માર્ક જીવાન આતો.

(૩) લુક : એલો ચોક વૈદ આતો એલો પોતે પોતાની

રીતે ઈસુવાલ ના જાઅતો આતો ત્યે હોમજાણીયા કા કહે કોઈને ઈશુ લોકહા આરે ચાલતો આતો.

(૪) યોહાન : ઈસુવા પાહલા ચાલનારો, ઈસુ કુ હેય ત્યા વિશે દેખાડીયા ઈસુ પરમેહેર હેય ઈસુ પરમેહેર હેય તો માઆહુ બોનીયો કા લોકહાલ પાપહા મારે બોચાડી શકે.




❖ ઈસુવા જન્મ

ઈસુવા આયહો મરિયમે વોરાળ ઓઅલા નાય આતા
જોવે ઈસુવા જન્મ ઓવીયેલ તોવે તી ચોક કુવારી
આતી બાકી ઈસુવા યોજના પરમેહેરે બનાડલી


આતી એલી ગોઠ પયલેરેજ ચોપડાહામાં લોખાલી આતી.
ઈસુ કોઈ મહાન માઅહા રોખો કા કાદા બીજા રોખ હો
નાય જમીયોહો, બાકી ત્યા જન્મ ડોબહા કોઠા માંચ ઓવીયો.

❖ ઈસુવા ચમત્કાર

ઈસુવે ખૂબ જ ચમત્કાર કોઈયા, બાઈબલ માંચ
૪૦ (ચાળીસ) થી વધરિ ચમત્કાર બોનલા હેતા,
યા ચમત્કાર કોચને ઈશુ પરમેહેરા તાકાત ને
પ્રેમા ખાત્રી કોઆડી દેખાડ હૈ ત્યાં લોકહાલ
મદદ કોઓરા માંગ હૈ ને ત્યાહાલ ખુશ એરા માંગહે.



❖ ઈસુવા મરણ ને પાછા જીવી ઉઠના



ઈસુ કાંય કોઓરા મોઈયો ? ત્યા વિશે બાઈબલ માંય આખલા હૈય, બાદે લોક જ ખોટી ગોઠ આખતે હૈ, ત્યા દેવાલ (પરમેહેરાલ) ગુસ્સોને દુઃખી કોઓત હૈ, ત્યાલુજ પાપ આખવામાંય યેહ” , એલા બાદો પાપ લોકહાલ પરમેહેરા સંગાતમાં આરે દુર કોઓહોય ને ત્યા હાટી, ઈસુ યેનો, ઈસુએ પોતે આપહે પાપા હાટી આપહે પાપહા શિક્ષા પોતાવે લેદો એલી શિક્ષા મરણ દંડની આતી ત્યા હાટી ઈશુ મોઓયો, બાકી આમી આપા પાછા પરમેહેરા આરે દોસ્તી (મિત્રતા) કોઈ શકજે હૈ, બાકી આપહાલ આપહે ભૂલ માંની લાપાડીને માફી માંગી લા પડી, ઈશુ મોઓલા માને જીવી ઊઠીયો, પરમેહેરે ત્યાલ જીવતો કોઓયો, તેહે કોઈ પરમેહેરે દેખાડીયા કા તો મરણ વે બળવાન હૈય.

ઈશુ આમી પરમેહેરા આરી રોઓહોય ત્યા હાટી તો આપહે મિત્ર બોની શકહૈ, પરમેહેરાલ ખુશી ઓઈ કા જોવે તો ત્યાં રોખા જીવન જીવા હાટી આપહે મદદ કોઓરી.

પ્રાર્થના

જોવે તુમા પોતાના ખોટા કામ હાટી માફી માંગતાહા ને તોવે તે પરમેહેરા આરે દોસ્તી બનાડા માંગતે હૈ તોવે તુમા ઈ પ્રાર્થના કોઈ શકતે હૈ

ઓમા પ્રેમી પરમેહેર, તુ માન પ્રેમ કોઓતહો, તુએ ઈશુઆલ દેનો, તો યોક નો યોક પોહો જો કુરુષા પે મોય ગીયો, જ કાઈ બી ખોટી ગોઠ માયે કોઓઈ ઓરી ત્યા બધા પાપહા દયા કોઈને માફી માન દેજે ઈશુ મા આરી હૈય ત્યા હાંટી આઈ આભાર માનતાહાવ. કાય તુ તો ઈચ્છા પ્રમાણે માન જીવન જીવા હાટી મદદ કોઓયે કા ?

તુ જ વચન દેતહો તી તુ પૂરા બી કોઓત હો.

માંઆ પ્રાર્થના વનાયોને જવાબ દેનો ત્યા હાટી તો આભાર માનતાહાવ.

❖ ઈસુને આઈ

ઈસુવા ગોઠયે અંત ખૂબ હારા હૈય, ઈસુ ખૂબ જ મોઠા માઅહા લોકહા દોસ્ત બોનીયોહો, આમીને તોવે બી દુનિયા બદલાઈ ગીઈલી આતી બાદા લોક આમી ગોધડાવેને ઘોડાવે મુસાફરી કોઅત હૈ, બાકી ઈસુયે ત્યાહા કાય અસર નાય દેખાય. જોહે કોઈ તો ઈસ્ત્રાએલ માંય આતો તેહે કોઈને આજે બી તો આપહે આરી રોહોય, આમી તો નાંઈ દેખાય બાકી તો આજે બી હેય, તો આપહ મિત્ર બોના માંગ હૈ, તુમા ત્યાલ ઉનાઈ શોકતે હૈ,

કાય તુમ્હાલ ઈશુવે આરે જીવન ને ત્યા વિશે વદારી જાઆરા માંગતે હૈ કા ?

તોવે તુમા નીચે દેનલી ગોઠી કોઈયા

- (૧) તુમા પોતે પોતાની રીતે બાઈબલ વાચા (લુકે લોખલા ભાગ વાચા)
- (૨) પ્રાર્થના કોઓના (પરમેહેરા આરે બોલનાને ત્યા ઉનાના તુમ્હાલ બીજી વધારની શબ્દ બોલની જરૂર નાય હૈય.
- (૩) બાઈબલા વિશે ને ઈશુવે વિશે બીજહાલ ગોઠ કોઓના ઈસુ ઈચ્છા રાખ હૈ કા ત્યા લોક ત્યા પાહાલા ચાલનારા એક બીજહાલ આરે મીળીને ત્યા હાલ હિમ્મત દે.

ભાષા: ગામિટ ૨૦૧૮ (ઈશુ ખ્રિસ્ત)

Jesus Messiah: First Gamit language edition: 2018

ISBN: 978-90-73150-81-2

Gamit Translation by: Samson Gamit, Nilesh Gamit, Vishwas Gamit.

Gamit language project coordinator: Bharat Nadar (Nallasopara)

email: bharatnilesha@gmail.com

Reprints by: Divine Media (Amravati-MH-India)

email: divine_sagar@yahoo.co.in

Phone: +91-7276 487 095

web: www.divinemediawebs.com

Text and illustrations: Willem de Vink.

Copyright © 1993 Stichting Wereldtaal, Published in Dutch as “Jezus Messias”.

Digital copyright under the terms of the Creative commons BY-SA licence

All rights of translation, reproduction and adaptation reserved for all countries.



ઈસુ મસીહની આ સાચી વાર્તા છે. તે આશરે 2000 વર્ષ પહેલાં ઈઝરાઇલમાં રહ્યો હતો. દરેક વ્યક્તિ જે તેને મળ્યા તે આશ્ચર્યચકિત થઈ ગયો. કોઈએ ક્યારેય કર્યું નથી તે શું કર્યું. તેમણે જે કહ્યું તે કોઈએ ક્યારેય કહ્યું ન હતું. જ્યાં ઈસુ હતા ત્યાં ચમત્કારો ચાલુ રહ્યા. અને તેમણે તેમને સાંભળવાની કાળજી રાખનારા બધાને આનંદ અને સુખ લાવ્યા. હજી અચાનક તે અંત આવ્યો. તેના શત્રુઓએ તેને મૃત્યુદંડ આપ્યો હતો. પરંતુ તે અંત નથી. તમારા માટે વાંચો કે કેવી રીતે થયું અને જુઓ કે ઈસુ મસીહની વાર્તા કેવી રીતે ચાલુ રહે છે!



Language: Gamit ભાષા: ગામિટ

ISBN: 978-90-73150-81-2